

UPM HOS PROGRAM JOM MASUK U ZON TENGAH II TAHUN 2024



The poster features the official logos of the Ministry of Higher Education (KEMENTERIAN PENDIDIKAN TINGGI) and UPM (Universiti Putra Malaysia). The main title "Jom Masuk U 2024" is prominently displayed in large, stylized letters, with "Zon Tengah II Universiti Putra Malaysia" below it. The date "11 & 12 Mei 2024" is also mentioned. A portrait of YB Dato' Seri Diraja Dr. Zambry Abd Kadir, Menteri Pendidikan Tinggi, is shown. A hand is depicted interacting with a digital interface featuring a graduation cap and a diploma. The "Aktiviti Menarik:" section lists six attractions: 1. Kaunter Konsultasi UPU Online, 2. Jalan-Jalan @ UPM, 3. Fiesta Makanan, 4. Bual Bicara, 5. eDU-PARK UPM, and 6. Cabutan Bertuah. The bottom of the poster includes the "Semua dijemput hadir!" slogan, images of a bicycle, a smartphone, and a television screen, and logos for Malaysia Madani and UPM's tagline "Pertanian • Inovasi • Kehidupan Berilmu Berbakti". Social media icons and the website "upm.edu.my" are also present.

KEMENTERIAN PENDIDIKAN TINGGI

Jom Masuk U
2024

Zon Tengah II Universiti Putra Malaysia

11 & 12 Mei 2024

Pusat Kebudayaan dan Kesenian
Sultan Salahuddin Abdul Aziz Shah

Dirasmikan oleh:

**YB DATO' SERI DIRAJA DR.
ZAMBRY ABD KADIR**

Menteri Pendidikan Tinggi


Aktiviti Menarik:

- 1** Kaunter Konsultasi UPU Online
- 2** Jalan-Jalan @ UPM
- 3** Fiesta Makanan
- 4** Bual Bicara
- 5** eDU-PARK UPM
- 6** Cabutan Bertuah

Semua dijemput hadir!

 MALAYSIA MADANI

Pertanian • Inovasi • Kehidupan
Berilmu Berbakti

 upm.edu.my

SERDANG, 29 April – Universiti Putra Malaysia (UPM) menjadi hos Program Jom Masuk U Zon Tengah II Tahun 2024 anjuran Kementerian Pendidikan Tinggi (KPT) yang akan diadakan pada 11 hingga 12 Mei 2024 di Pusat Kesenian dan Kebudayaan Sultan Salahuddin Abdul Aziz Shah (PKKSSAAS), UPM.

Penganjuran program itu bertujuan untuk mempromosi maklumat mengenai program pendidikan yang ditawarkan oleh institusi pendidikan tinggi di bawah KPT yang merangkumi Universiti Awam (UA), Institusi Pendidikan Tinggi Swasta (IPTS), Politeknik, Kolej Komuniti (KK) serta penglibatan Institusi Latihan Kemahiran Awam (ILKA). Jom Masuk U 2024 menyasarkan kumpulan pelajar yang menduduki peperiksaan SPM, STPM, Matrikulasi, Asasi, STAM dan Diploma/Setara.

Penganjuran program ini juga adalah selaras dengan tempoh permohonan UPU Online Fasa 2 yang kini dibuka sehingga 9 Jun 2024.

Selain itu, Program Jom Masuk U merupakan acara perdana (flagship) tahunan KPT berbentuk pameran berskala nasional bagi mempromosi maklumat pendidikan tinggi kepada pelajar, guru, ibu bapa dan masyarakat di sekitar negeri Selangor, Wilayah Persekutuan Kuala Lumpur, Wilayah Persekutuan Putrajaya dan Negeri Sembilan yang dijangka menerima kehadiran 10,000 pengunjung bagi tempoh dua hari pameran tersebut.

Menariknya, Jom Masuk U di UPM pada kali ini turut dibuka kepada pelajar-pelajar antarabangsa di sekolah antarabangsa dan Institusi Pengajian Tinggi (IPT) dalam usaha mempromosi program pengajian pra dan pascasiswazah di Malaysia kepada kumpulan pelajar antarabangsa ini.

Selain pameran pendidikan membabitkan lebih 70 institusi, program ini juga akan mengadakan slot Bicara Santai Alumni menampilkan alumni UPM yang bergelar petani moden dan usahawan industri makanan berjaya antaranya alumni Fakulti Pertanian, UPM, Amirul Haris Asrar yang kini pengusaha ladang ternakan dan makanan serta Sabrie Salleh yang merupakan pengasas jenama Burger Bakar Abang Burn.

Slot itu juga akan melibatkan nama besar yang juga merupakan alumni UPM antaranya atlet kebangsaan iaitu bekas ratu terjun negara, Dato' Leong Mun Yee dan bekas jaguh dekaton Asia, Malik Tobias serta perkongsian oleh alumni selebriti, bekas Ketua Pegawai Eksekutif (CEO) NTV 7 dan Radio Media Prima, Seelan Paul dan hos Astro Arena, Azlan Mubin.

Dalam pada itu, pakej istimewa Edu-Park UPM turut ditawarkan kepada pengunjung yang berminat untuk melawat tarikan di UPM seperti Muzium Warisan Melayu, Taman Herba, Muzium Anatomi Manusia dan Haiwan serta lain-lain lagi.

Pelajar sekolah yang hadir ke Jom Masuk U Zon Tengah II 2024 turut akan merasai suasana kampus melalui lawatan ke Fakulti Perubatan dan Sains Kesihatan (FPSK), Fakulti Perubatan Veterinar (FPV), UPM serta lokasi-lokasi menarik di kampus hijau UPM.